




Republika Ng Pilipinas
KAGAWARAN NG EDUKASYON
Rehiyon IX, Zamboanga Peninsula
SANGAY NG ZAMBOANGA DEL NORTE
Lungsod Dipolog



MEMORANDUM




Sa mga : Tagamasid Pampurok
Punungguro ng Elementarya at Sekundarya
Tagapag-ugnay ng Filipino

Mula sa : Opisina Ng Tagapamanihala Ng Sangay

Paksa : **KARAGDAGANG IMPORMASYON:
BUWAN NG WIKANG PAMBANSA 2019**

Petsa : Hunyo 24, 2019

1. Alinsunod sa Pampanguluhang Proklamasyon Blg. 1041, s. 1947 at sa pangunguna ng Komisyon sa Wikang Filipino (KWF), ang Sangay ng Zamboanga del Norte ay makikiisa sa pagdiriwang ng **BUWAN NG WIKANG PAMBANSA 2019** para sa mga gawain ng buong Buwan ng Agosto. Ang tema ng pagdiriwang ay **Wikang Katutubo: Tungo Sa Isang Bansang Filipino** at naglalayon na ilaan ang Buwan ng Wika sa Agosto bilang lunsaran ng mga pagpupunyagi para sa mga katutubong wika sa bansa.
2. Bigyang-pansin ang mga layunin sa talata bilang 3 at ang pinagtangi-tanging lingguhang paksa sa talata bilang 4 para sa gabay ng mga guro sa Filipino.
3. Kalakip nito ay ang Memorandum Pangkagawaran Blg. 079, s. 2019 para sa kabatiran ng kinaaukulan.
4. Hinihiling ang malawakang pagpapalaganap ng Memorandum na ito.


PEDRO MELCHOR M. NATIVIDAD, CSEE
Tagapamanihala Ng Sangay



Republic of the Philippines
Department of Education

24 JUN 2019

MEMORANDUM PANGKAGAWARAN
Blg. **079**, s. 2019

BUWAN NG WIKANG PAMBANSA 2019

Sa mga: Direktor ng Kawanihan
Direktor ng Panrehiyon
Tagapamanihala ng mga Paaralan
Punongguro ng mga Paaralang Pampubliko at Pampribadong
Elementarya at Sekundarya

1. Ang Komisyon sa Wikang Filipino (KWF) ay mangunguna sa pagdiriwang ng **Buwan ng Wikang Pambansa 2019** mula ika-1 hanggang ika-31 ng Agosto alinsunod sa itinakdang Pampanguluhang Proklamasyon Blg. 1041, s. 1997.

2. Bilang tugon sa proklamasyon ng UNESCO na *International Year of Indigenous Languages* (Pandaigdigang Taon ng mga Katutubong Wika) ang taóng 2019, pinagtibay ng KWF ang Kapasiyahan ng Kalupunan Blg. 18-31 na naglalayon na masiglang lumahok ang KWF sa pagdiriwang na ito; at ang Kapasiyahan ng Kalupunan Blg. 19-03 na nagtatakda ng temang Wikang Katutubo: Tungo sa Isang Bansang Filipino at naglalayon na ilaan ang Buwan ng Wika sa Agosto bilang lunsaran ng mga pagpupunyagi para sa mga katutubong wika sa bansa.

3. Ang layunin ng pagdiriwang ay ang mga sumusunod:

- a. maiangat ang kamalayan ng mga mamamayang Filipino ukol sa halagang multilinggwalismo sa paglikha ng isang bansang Filipino na may pagkakaunawaan;
- b. mahikayat ang mga mamamayang Filipino, lalo ang mga may-ari ng katutubong wika, na makilahok sa mga gawaing pangwika ng KWF;
- c. mahikayat ang mga mamamayang Filipino na magpatupad ng mga malikhaing programang pangwika na makatutugon sa pangangailangan ng kanilang komunidad sa pakikipagtulungan sa KWF;
- d. mapangalagaan ng KWF ang mga karapatang pangwika ng mga mamamayan sa pamamagitan ng pagpapatupad ng mga patakarang magbibigay ng seguridad laban sa mga diskriminasyong pangwika; at
- e. maipakilala sa mga mamamayang Filipino ang KWF bilang ahensiya ng pamahalaan na nangangalaga sa mga katutubong wika ng Pilipinas sa pamamagitan ng mga programang pangwika nito.

4. Ang lingguhang paksa sa loób ng isang buwang pagdiriwang ay ang mga sumusunod:

Petsa	Tema
Agosto 5–9, 2019	Ako at ang Katutubong Wika Ko
Agosto 12–16, 2019	Pagbasa at Paglaya: Pagpapalusog ng mga Katutubong Panitikan at Kaalamang-bayan
Agosto 19–23, 2019	Sarikultura: Multilingguwalismo at Paguugnayan para sa Isang Bansang Filipino
Agosto 26–30, 2019	Pangangalaga sa mga Katutubong Wika, Pangangalaga sa Bansang Filipino

5. Kalakip ng Memorandum na ito ang Palatuntunan ng mga Gawain para sa isang buwang pagdiriwang.

6. Para sa mga karagdagang impormasyon, maaaring makipag-ugnayan sa **Komisyon sa Wikang Filipino**, Sangay ng Edukasyon at *Networking*, Gusaling Watson, 1610 JP Laurel St., Malacañang Complex, San Miguel, Maynila sa telepono: (02) 736-2519; o *email*: komisjonsawika@gmail.com at *website*: www.kwf.gov.ph.

7. Hinihiling ang malawakang pagpapalaganap ng Memorandum na ito.


LEONOR MAGTOLIS BRIONES
Kalihim

Sanggunian:

Memorandum Pangkagawaran Blg.: 119, s. 2018

Ilalagay sa Palagiang Talatuntunan
sa ilalim ng mga sumusunod na paksa:

BUREAUS AND OFFICES
CELEBRATIONS AND FESTIVALS
CURRICULUM
LEARNING AREA, FILIPINO